



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA

Primljeno: 16. 04. 2002 godine			
Org. jed.	Broj	Prilog	Vrijednost
02/1	011-253/02		

Ustavno-pravna komisija
Broj: 02/1-011-253/02
Sarajevo: 11.03. 2002.god.

Z A P I S N I K

sa 16. sjednice Ustavno-pravne komisije Doma naroda Parlamentarne skupštine Bosne i Hercegovine, održane 18.03.2002.god.

Sjednica je počela sa radom u 12: 00 sati.

Sjednici su prisustvovali članovi komisije: Ibrahim Spahić, Šefik Džaferović, Niko Sušac, Ivo Živković i Dragutin Rodić. Sjednici nije prisustvovao član komisije Nikola Špirić.

Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Ibrahim Spahić. Pored članova komisije sjednici su prisustvovali i predstavnici Predsjedništva BiH, Vijeća ministara BiH,

Za sjednicu je predložen i jednoglasno usvojen sljedeći

D N E V N I R E D :

1. Zakon o novinskoj agenciji Bosne i Hercegovine "BH Press" (predlagači: dr Sead Avdić, poslanik u Predstavničkom domu Parlamentarne skupštine BiH i Ibrahim Spahić, delegat u Domu naroda Parlamentarne skupštine BiH)
2. Zakon o Upravi (predlagač Vijeće ministara)
3. Zakon o klasifikaciji opojnih droga, psihotropnih supstanci, prekursora i biljaka (predlagač Vijeće ministara)
4. Zakon o sukobu interesa u ustanovama vlasti Bosne i Hercegovine (predlagač Vijeće ministara)
5. Aneks Ugovora o određivanju graničnih prijelaza između Bosne i Hercegovine i Republike Hrvatske (predlagač Predsjedništvo BiH, Aneks Ugovora je potpisao g. Svetozar Mihajlović, ministar civilnih poslova i komunikacija Bosne i Hercegovine, u Zagrebu, 11.decembra 2001.god.)
6. Izvještaj o radu Vijeća ministara Bosne i Hercegovine za period 22.02.2001-14.02.2002. i Izvještaj o radu Vijeća ministara Bosne i Hercegovine za 2001.godinu
7. Rezolucija o utvrđivanju smjernica za rješavanje pitanja izbjeglica iz Republike Hrvatske-predlagač delegat Nikola Špirić
8. Rezolucija o politici zdravlja za sve građane Bosne i Hercegovine-predlagač delegat Ibrahim Spahić

1. Zakon onovinskoj agencije Bosne i Hercegovine "BH Press" (predlagači: dr Sead Avdić, poslanik u Predstavničkom domu Parlamentarne skupštine BiH i Ibrahim Spahić, delegat u Domu naroda Parlamentarne skupštine BiH)

Prisutnim se povodom ove tačke dnevnog reda obratio jedan od predlagača, delegat Ibrahim Spahić. Komisija je razmatrala navedeni zakon u skladu sa članom 78.2 i 79.1. Poslovnika Doma naroda Parlamentarne skupštine BiH (usklađenost zakona sa Ustavom Bosne i Hercegovine) i sa 3 glasa za i jednim protiv, zaključila postojanje ustavnog osnova.

2. Zakon o Upravi (predlagač Vijeće ministara)

Komisija je ovaj tekst zakona raspravljala u skladu sa članom 79.2. Poslovnika Doma naroda Parlamentarne skupštine BiH kao nadležna komisija. U raspravi su sudjelovali delegati Ibrahim Spahić, Šefik Džaferović, Niko Sušac, Ivo Živković, Dragutin Rodić i u ime predlagača amandmana delegata Ilije Šimića, Ivo Andrić.

Amandmane na Zakon uložili su delegat Ilija Šimić (8 amandmana) i Momčilo Novaković (6 amandmana). Nakon iščitavanja amandmana i provedene rasprave, Komisija je usvojila amandmane I, II i VIII delegata Ilije Šimića. Ostali amandmani su odbijeni.

Usvojeni amandmani su:

Amandman I

Naziv «Zakon o upravi» mijenja se i glasi: «Zakon o državnoj upravi Bosne i Hercegovine».

Amandman II

Članak 1. mijenja se i glasi:

«Ovim zakonom uređuje se ustrojstvo državne uprave Bosne i Hercegovine (u daljem tekstu: Uprave) glede polpžaja, uloge, ustroja, ovlaštenja i obveza organa uprave kao i druga pitanja od značaja za rad tih organa u vršenju poslova uprave.»

Amandman III

U članku 54. iza riječi « institucijama» brisati riječ « vlasti».

Preostali dio teksta se ne mijenja.

Ustavno-pravna komisija Doma naroda Parlamentarne skupštine BiH jednoglasno je usvojila tekst Zakona sa amandmanima koji su postali njegov sastavni dio i zaključila da se Zakon uputi Domu naroda Parlamentarne skupštine BiH u proceduru usvajanja.

3. Zakon o klasifikaciji opojnih droga, psihotropnih supstanci, prekursora i biljaka (predlagač Vijeće ministara)

Komisija je ovaj tekst zakona raspravljala u skladu sa članom 79.2. Poslovnika Doma naroda Parlamentarne skupštine BiH kao nadležna komisija. U raspravi su sudjelovali delegati Ibrahim Spahić, Šefik Džaferović, Niko Sušac, Ivo Živković, Dragutin Rodić.

Amandman na Zakon koji je uložio delegat Momčilo Novaković, Komisija je većinom glasova odbila.

Ustavno-pravna komisija Doma naroda Parlamentarne skupštine BiH jednoglasno je usvojila tekst Zakona i zaključila da se Zakon uputi Domu naroda Parlamentarne skupštine BiH u proceduru usvajanja.

4. Zakon o sukobu interesa u ustanovama vlasti Bosne i Hercegovine (predlagač Vijeće ministara)

Komisija je ovaj tekst zakona raspravljala u skladu sa članom 79.2. Poslovnika Doma naroda Parlamentarne skupštine BiH kao nadležna komisija. U raspravi su sudjelovali delegati Ibrahim Spahić, Niko Sušac, Ivo Živković, Dragutin Rodić, u ime predlagača Zakona Maksim Stanišić i u ime predlagača amandmana delegata Ilije Šimića, Ivo Andrić.

Amandmane na Zakon uložio je delegat Ilija Šimić (5 amandmana). Nakon provedene rasprave Komisija je usvojila amandmane I, II, III i IV.

Usvojeni amandmani su:

Amandman I

Naziv "Zakon o sukobu interesa u ustanovama vlasti Bosne i Hercegovine" mijenja se i glasi: "Zakon o sukobu interesa u institucijama Bosne i Hercegovine".

Amandman II

U članku 1. stavak 1. umjesto riječi "ustanovama vlasti" treba da stoji "institucijama".

I u svim drugim člancima umjesto riječi "ustanovama vlasti" treba da stoji "institucijama".

Amandman III

U članku 3. pod a) iza riječi "poduzeća" dodaje se tekst "odnosno privrednog društva (u daljem tekstu: poduzeća)".

Preostali dio teksta se ne mijenja.

U istom članku pod c) i d) u nazivu Zakona o državnoj službi umjesto "ustanovama vlasti" treba da stoji "institucijama".

Amandman IV

U stavku 1. i 2. članka 8. iza riječi "članovi" treba dodati tekst "uprave, odbora za reviziju", ...

Preostali dio teksta se ne mijenja.

Istim tekstom iza riječi "članova" treba dopuniti i članak 18. stavak 1.

Ustavno-pravna komisija Doma naroda Parlamentarne skupštine BiH jednoglasno je usvojila tekst Zakona sa amandmanima koji su postali njegov sastavni dio i zaključila da se Zakon uputi Domu naroda Parlamentarne skupštine BiH u proceduru usvajanja.

5. Aneks Ugovora o određivanju graničnih prijelaza između Bosne i Hercegovine i Republike Hrvatske

Nakon provedene rasprave, Komisija je jednoglasno zaključila da se Aneks proslijedi Domu naroda Parlamentarne skupštine BiH, u dalju parlamentarnu proceduru.

6. Izvještaj o radu Vijeća ministara Bosne i Hercegovine za period 22.02.2001-14.02.2002. i Izvještaj o radu Vijeća ministara Bosne i Hercegovine za 2001.godinu

Ustavno-pravna komisija jednoglasno je zaključila da se Izvještaj o radu Vijeća ministara BiH uputi u dalju parlamentarnu proceduru.

7. Rezolucija o utvrđivanju smjernica za rješavanje pitanja izbjeglica iz Republike Hrvatske-predlagatelj delegat Nikola Špirić

Ustavno-pravna komisija jednoglasno je zaključila da se rasprava povodom ove tačke dnevnog reda nastavi na prvoj narednoj sjednici Komisije na kojoj bude prisustvovao njen predlagatelj delegat Nikola Špirić.

8. Rezolucija o politici zdravlja za sve građane Bosne i Hercegovine-predlagatelj delegat Ibrahim Spahić

Nakon provedene rasprave, Komisija je većinom glasova zaključila da se Rezolucija proslijedi Domu naroda Parlamentarne skupštine BiH, u dalju parlamentarnu proceduru.

Zasjedanje 16.sjednice Ustavno-pravne komisije Doma naroda Parlamentarne skupštine, završeno je u 14:00 sati.

**Predsjedavajući Komisije
Ibrahim Spahić s.r.**